



Broj:01-01-²⁰³⁹/22JN
Sarajevo, 30.11.2022.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), člana 14. Pravilnika o javnim nabavkama roba, usluga i radova u Javnoj ustanovi „Služba za zapošljavanje Kantona Sarajevo“ Sarajevo broj: 09/1-1382-1-UO/22, od 05.08.2022. godine, a na osnovu Preporuke Komisije za javne nabavke, broj: 2033/22-JN od 28.11.2022.godine u postupku javne nabavke–Nabavka računarske opreme (laptopi, tableti, računari, monitori, UPS, routeri, štampači, printeri...)-LOT1- Ponovljeni postupak, za potrebe Javne ustanove „Služba za zapošljavanje Kantona Sarajevo“ Sarajevo, direktor *donosi*

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke broj: 2033/22-JN od 28.11.2022.godine i ugovor za javnu nabavku–Nabavka računarske opreme (laptopi, tableti, računari, monitori, UPS, routeri, štampači, printeri...)-LOT1- Ponovljeni postupak, za potrebe Javne ustanove „Služba za zapošljavanje Kantona Sarajevo“ Sarajevo, dodjeljuje se ponuđaču „Emado“ d.o.o. Sarajevo, ponuda broj: PT1511-05/22 od 15.11.2022.godine, za ponudenu cijenu u iznosu od 18.000,00KM bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „Emado“ d.o.o. Sarajevo, uz obavezu da dostavi dokaze o ispunjavanju uslova za kvalifikaciju i to na način i u formi kako je zahtjevano Tenderskom dokumentacijom, u roku od 5 (pet) dana, od dana prijema Odluke o izboru najpovoljnijeg ponuđača, ukoliko iste nije dostavio uz ponudu.

Član 3.

Za izvršenje ove Odluke zadužuje se i ovlašćuje Jedinica za nabavke.

Član 4.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Odlukom o pokretanju postupka-Nabavka računarske opreme (laptopi, tableti, računari, monitori, UPS, routeri, štampači, printeri...)-LOT 1, za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-0452/22 od 15.03.2022. godine, pokrenut je predmetni postupak javne nabavke i slijedom istog Odluka o poništenju

postupka broj: 01-01-1621/22 donešena je 16.09.2022. godine, iz razgloga što je cijena jedinog ponuđača znatno veća od osiguranih sredstava za predmetnu nabavku.

Predmetni postupak ponovljen je objavljivanjem Obavještenja o predmetnoj nabavci broj: 774-7-1-42-3-35/22 na Portalu javnih nabavki, dana 27.10.2022. godine.

Javna nabavka provedena je putem konkurentskog zahtjeva za dostavu ponuda.

Procijenjena vrijednost predmetne nabavke bez PDV-a iznosi 18.600,00 KM.

Po isteku roka predviđenog za dostavljanje ponuda, Komisija za javne nabavke imenovana Rješenjem broj: 01-01-34-0399/22 od 11.03.2022. godine, blagovremeno i pravilno izvršila je otvaranje pristiglih ponuda, kao i ocjenu istih, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda 4 (četiri),
- da su blagovremeno zaprimljene 4 (četiri) ponude,
- da su ponude ponuđača „Emado“ d.o.o. Sarajevo, ponuda broj: PT1511-05/22 od 15.11.2022.godine, „Digitarija“ d.o.o. Sarajevo, ponuda broj: 0249/22 od 15.11.2022. godine, „Inter-Com“ d.o.o. Zenica, ponuda broj: 00526-11/22 od 15.11.2022. godine, i „Imtec“ d.o.o. Sarajevo, ponuda broj: 1511/22 od 15.11.2022. godine, blagovremene, te da neblagovremeno pristiglih ponuda nije bilo.

U postupku analize pristiglih ponuda, Komisija je u Zapisniku o ocjeni ponuda broj: 2033-1/22-JN od 28.11.2022. godine, navela sljedeće konstatacije:

Naime da su ponuđači „Digitarija“ d.o.o. Sarajevo i „Emado“ d.o.o. Sarajevo dostavili sve kvalifikacione uslove koje su ponuđači trebali ispuniti da bi sudjelovali u predmetnom postupku, te da se njihove ponude smatraju prihvatljivim a ponuđači kvalifikovanim i kao takvi mogu učestvovati na E-aukciji koja je planirana Tenderskom dokumentacijom.

Nadalje, Komisija je uvidom u Izvještaj o preuzimanju tenderske dokumentacije na Portalu javnih nabavki ustanovila da ponuđač „Imtec“ d.o.o. Sarajevo nije preuzeo istu sa Portala javnih nabavki. Kako je navedeno u tački 7. Tenderske dokumentacije koja se odnosi na Informacije o tenderskoj dokumentaciji, istom je definisano kako, na koji način i do kojeg roka se preuzima tenderska dokumentacija. Nadalje, izvršena je i provjera spiska putem Agencije za javne nabavke i istim putem zaključeno da ponuđač „Imtec“ d.o.o. Sarajevo nije preuzeo tendersku dokumentaciju putem Portala javnih nabavki, te je zbog svega navedenog njegova ponuda odbačena a simim tim ponuđač nije mogao učestvovati na E-aukciji.

Uvidom u ponudu ponuđača „Inter-Com d.o.o. Zenica komisija je utvrdila da isti, nije ispunio uslove tražene okvirom tačke 3.3. Tenderske dokumentacije koja se odnosi na Tehničku i profesionalnu sposobnost. Kako dalje Komisija navodi ponuđač je dostavio više od tri ugovora koja se odnose na posljednje tri godine kao dokaz iz tačke 3.3.2 pod a) Tenderske dokumentacije, ali nije uz spisak izvršenih ugovora prezentovao dokaze u vidu najmanje 3 potvrde koje su u vezi sa spiskom isporučene robe a koje daje druga ugovorna strana o njihovoj realizaciji. Ponuđač je naime dostavio jednu potvrdu, te za ostale nije dostavio dokaze o učinjenim pokušajima da se takve potvrde obezbijede.

Na osnovu gore navedenog ponuđač „Inter-Com d.o.o. Zenica smatra se nekvalifikovanim ponuđačem i kao takav ne može učestvovati na E-aukciji.

Nadalje postupak je nastavljen zakazivanjem E-aukcije, shodno utvrđenom kriteriju za dodjelu ugovora (najniža cijena prihvatljive ponude), te nakon provedene iste, a na osnovu sačinjene rang liste:

	Naziv/ime ponuđača	Ponuđena cijena (bez PDV-a)
1.	Emado d.o.o. Sarajevo	18.000,00 KM
2.	Digitarija d.o.o. Sarajevo	32.689,00 KM

Komisija sačinjava Preporuku broj: 2033/22-JN od 28.11.2022.godine, o izboru navedenog ponuđača kao najpovoljnijeg.

U postupku donošenja ove Odluke posebno su cijenje činjenice da je Komisija pravilno i potpuno izvršila ocjenu kvalificiranosti ponuđača, te ocjenu pristiglih ponuda shodno kriterijima zahtjevanim okvirom Tenderske dokumentacije a u skladu sa Zakonom o javnim nabavkama, podzakonskim i internim aktima.

Cijeneći navedeno, a primjenom člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba u roku od 5 (pet) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.

Pripremila/obradila: Maida Zenuni [REDACTED]

Odgovoran za zakonitost i tačnost podataka: Ibrahim Lika [REDACTED]



DIREKTOR

Tomislav Martinović

Dostaviti:

- Svim učesnicima u postupku javne nabavke,
- Komisiji za javne nabavke,
- Evidenciji,
- A/a.

Sarajevo, Đoke Mazalića 3,

web-stranica: www.szks.ba; e-mail adresa: info@szks.ba

Tel/++387 (33) 569-100, fax: 204-177; Matični broj: 4200304610003;

Poreski broj: 01079085; Računi Intesa Sanpaolo Banka d.d. Sarajevo:

1549212010171056-depozitni račun, 1540012000135120-transakcijski račun

